

ხელშეკრულება #366

(სახელმწიფო შესყიდვების შესახებ)

თბილისი

31 ივლისი 2023 წ.

ერთის მხრივ, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის (შემდგომში "შემსყიდველი") გენერალური დირექტორის მოადგილის ტარიელ ჭანტურიძის მოვალეობის შემსრულებელი პაატა იმნაძე და მეორეს მხრივ, ა(ა)იპ „წყალტუბოს მუნიციპალიტეტის საზოგადოებრივი ჯანდაცვის ცენტრი“ (შემდგომში "მიმწოდებელი") დირექტორი მარინა ტყეშელაშვილი ვაფორმებთ წინამდებარე ხელშეკრულებას შემდეგზე:

1. ხელშეკრულების საფუძველი

- 1.1 „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის "ა" ქვეპუნქტი.
- 1.2 „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანება.
- 1.3 დაფინანსების წყარო: სსიპ ლ. საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნულ ცენტრსა და გაეროს ბავშვთა ფონდს (UNICEF) შორის საგრანტო დოკუმენტის "საქართველოში ტყვიის ზედამხედველობის სისტემის დანერგვა" №2801 პროექტის ფარგლებში. GEO/NCDC/CP06/2023/002

2. ხელშეკრულების საგანი

- 2.1 საქართველოში ტყვიის ზედამხედველობის სისტემის დანერგვა პროექტის ფარგლებში ტყვიანზე ზედამხედველობის სისტემის დანერგვა და სისხლის ნიმუშების აღების მომსახურების შესყიდვა (CPV 85140000, SMP230001775).

3. ხელშეკრულების საერთო ღირებულება

- 3.1 ხელშეკრულების საერთო ღირებულება შეადგენს: 425.00 (ოთხას ოცდახუთი) ლარს, დღგ-ს გარეშე.
- 3.2 ერთი ანალიზის აღების ღირებულება შეადგენს 17 ლარს.
- 3.2 ხელშეკრულებაში დაფიქსირებული ფასის შეცვლა დასაშვებია მხოლოდ შემდეგ შემთხვევებში, როდესაც:
 - ა) მხარეთა ურთიერთშეთანხმების შედეგად მოხდება ერთეულის ფასის შემცირება;
 - ბ) საქართველოს სამოქალაქო კოდექსის 398-ე მუხლით გათვალისწინებული გარემოებების არსებობისას.

4. ხელშეკრულების ობიექტი

- 4.1 შესყიდვის ობიექტი: საქართველოში ტყვიის ზედამხედველობის სისტემის დანერგვა პროექტის ფარგლებში შემსყიდველის მიერ მიცემული მითითებების შესაბამისად ზედამხედველობის სისტემის დანერგვა, კომუნიკაციის დაამყარება მშობლებთან და კანონიერ წარმომადგენლებთან, ექთნების ჩართულობით სისხლის ნიმუშების აღება, კერძოდ:
 - ა) აჭარისა და იმერეთის რეგიონში ტყვიის ზედამხედველობის სისტემის დანერგვის პილოტური პროექტის პროტოკოლი. (NCDC 0 23 00000085, 25.07.2023)
 - ბ) შემსყიდველის მიერ კვლევაში ჩასართავ პირებზე ინფორმაციის მიღებიდან 14 კალენდარული დღის ვადაში ბენეფიციარების კანონიერ წარმომადგენლებთან კომუნიკაცია (სატელეფონო კომუნიკაციის და/ან საკარდაკარო შემოვლის გზით), მისი ფაქტობრივი საცხოვრებელი მისამართის დაზუსტება (რეგიონი, მუნიციპალიტეტი, მისამართი), თუ ბენეფიციარის ფაქტობრივი მისამართი (რეგიონი, მუნიციპალიტეტი) შესაბამისობაშია გადაცემულ სივრცეში მითითებულ მისამართთან (რეგიონი, მუნიციპალიტეტი), წინასწარი ზეპირი თანხმობის აღება ბენეფიციარის კვლევაში ჩართვაზე და კვლევის ჩატარების თარიღისა და ადგილის (საცხოვრებელ სახლში, სამედიცინო დაწესებულებაში) შეთანხმება;
 - გ) ბენეფიციარის კვლევაში ჩართვამდე მშობლის/კანონიერი წარმომადგენლის ინფორმირება კვლევის მიზნებზე და ინფორმირებული თანხმობის დოკუმენტზე ხელმოწერა (მოიცავს როგორც კვლევაში ჩართვაზე თანხმობას, ასევე 5მკგ/დლ-ზე მაღალი შედეგის მიღებისას ინფორმაციის პროვაიდერი კლინიკისთვის გადაცემას, ხოლო 10მკგ/დლ-ზე მაღალი შედეგის და 5 მკგ/დლ-ზე დაბალი შედეგის მქონე საკონტროლო ჯგუფის ბენეფიციარის საცხოვრებელი გარემოს შესწავლას დადგენილი პროტოკოლის შესაბამისად); ბენეფიციარის საკვლევი მასალის აღება, ამისათვის ეროვნული ცენტრიდან მიღებული წინასწარ დანომრილი სისხლის ნიმუშის ასაღები ნაკრების გამოყენებით და ეროვნული ცენტრის ლაბორატორიაში ეროვნული ცენტრის რეგიონული სამმართველოს მიერ ტრანსპორტირებამდე სათანადო წესით შენახვა, საკვლევი ნიმუშის სატრანსპორტო ფორმის შევსება, თითოეულ ბენეფიციარზე წინასწარი სტანდარტული კითხვარის შევსება, ეროვნული ცენტრის შესაბამის რეგიონულ სამმართველოში ყოველდღიური შეტყობინება დღის მანძილზე აღებული საკვლევი მასალების რაოდენობის, კვლევაში ჩართვაზე უარების რაოდენობებისა და მიზეზების თაობაზე;

- დ) ეროვნული ცენტრის შესაბამის რეგიონულ სამმართველოსთან შეთანხმებული გრაფიკით (მაგრამ არა ნაკლებ კვირაში ერთი დღე) ლაბორატორიაში გასაგზავნი საკვლევი ნიმუშების (სატრანსპორტო ფორმებთან და შევსებულ კითხვარებთან ერთად) გადაცემა
 - ე) კვლევის შედეგების მიწოდება ბენეფიციარის მშობლის/კანონიერი წარმომადგენლისთვის, ეროვნული ცენტრიდან მათი მიღებიდან არა უგვიანეს 7 კალენდარული დღის განმავლობაში;
 - ვ) სისხლში ტყვიის 5 მკგ/დლ-ზე მაღალი შემცველობის მქონე ბავშვების მეთვალყურეობა აღნიშნული ბავშვებისა და მათი 18 წლამდე და/ან ორსული ოჯახის წევრების დაავადებათა ადრეული გამოვლენისა და სკრინინგის სახელმწიფო პროგრამის ბავშვთა სისხლში ტყვიის შემცველობის ბიომონიტორინგის კომპონენტის შემდგომ დიაგნოსტიკურ კვლევებსა და მკურნალობაში ჩართვის მიზნით;
 - ზ) სისხლში ტყვიის 10 მკგ/დლ-ზე მაღალი შემცველობის მქონე ბავშვების და 5 მკგ/დლ-ზე დაბალი შემცველობის მქონე საკონტროლო ჯგუფის ბავშვების მშობლებთან/კანონიერ წარმომადგენლებთან კომუნიკაცია, მათი ოჯახების საცხოვრებელი შიდა გარემოს შესასწავლად ეროვნული ცენტრის ქიმიურ რისკფაქტორთა ლაბორატორიისა და რეგიონული სამმართველოს სპეციალისტებისგან დაკომპლექტებული გუნდის ვიზიტის თარიღის დაგეგმვის მიზნით;
 - თ) ყოველთვიური საანგარიშგებო ფორმების შევსება და წარდგენა ეროვნულ ცენტრში.
- 4.2. ასაღები ნიმუშების რაოდენობა: 25.

5. შესყიდვის ობიექტის გაწვევის ადგილი და პირობები

- 5.1 ხელშეკრულებით განსაზღვრული „მომსახურების“ გაწვევის ადგილია ადმინისტრაციულ-ტერიტორიულ ერთეულში შემავალი მუნიციპალური ერთეულების სამოქმედო ტერიტორია;
- 5.2 „შემსყიდველი“ ითვალისწინებს, რომ „მიმწოდებლისათვის“ სრულადაა ცნობილი დასახული ამოცანები და მათ შესასრულებლად გამოსაყენებელი ნორმატიული დოკუმენტაცია.

6. შესყიდვის ობიექტის მიწოდების პირობები, ადგილი, ფორმა და ვადები

- 6.1 განხორციელებული „მომსახურების“ ანგარიშგების ადგილი - თბილისი, კახეთის გზატკეცილი #99, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 6.2 გაწეული მომსახურების ანგარიშგების მიწოდება განხორციელდება ყოველი მომდევნო თვის 10 რიცხვამდე, თბილისი, კახეთის გზატკეცილი #99, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 6.3. „მომსახურების“ გაწვევის ვადა: 2023 წლის 1 აგვისტოდან 2023 წლის 31 დეკემბრის ჩათვლით.

7. ანგარიშსწორების ფორმა და ვადები

- 7.1 ანგარიშსწორების ფორმა - უნაღდო ანგარიშსწორება.
- 7.2 ანგარიშსწორება განხორციელდება ლარებში.
- 7.3 ანაზღაურება განხორციელდება ხელშეკრულების ფარგლებში განსაზღვრული ერთი თვის ღირებულების მიხედვით.
- 7.4 „მიმწოდებელთან“ ანგარიშსწორება მოხდება შესყიდვის ობიექტის მიწოდებისა და ყოველთვიური მიღება-ჩაბარების აქტის ხელმოწერის, საანგარიშგებო დოკუმენტაციის ინსპექტირების დასრულებიდან 10 სამუშაო დღის ვადაში.
- 7.5 „მიმწოდებელი“ სრულად აგებს პასუხს მის მიერ მიწოდებული ანგარიშების უტყუარობაზე. „მიმწოდებელი“ ადგილზე ინახავს ანგარიშებს და პირველად დოკუმენტაციას დადგენილი წესის შესაბამისად. საჭიროების შემთხვევაში გაცნობისათვის პირველივე მოთხოვნისთანავე წარუდგენს „შემსყიდველს“.

8. შესყიდვის ობიექტის მიღება-ჩაბარების წესი

- 8.1 ხელშეკრულებით გათვალისწინებული პირობების სრული შესრულების შემდგომ ან/და გარკვეული ეტაპის დამთავრების შემდგომ მხარეებს შორის ფორმდება მიღება-ჩაბარების აქტი.
- 8.2 გაწეული მომსახურების ანგარიშგების ადგილია: თბილისი, კახეთის გზატკეცილი #99, სსიპ - ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.
- 8.3 არასწორად ან/და არასრულად წარმოდგენილი ანგარიშსწორების ფორმა უბრუნდება „მიმწოდებელს“ მის საბოლოო შესწორებამდე.
- 8.4 მიღება-ჩაბარების აქტის გაფორმებაზე და ინსპექტირების განხორციელებაზე პასუხისმგებლობა ეკისრება „შემსყიდველის“ უფლებამოსილ პირებს: საზოგადოებრივი ჯანდაცვის სახელმწიფო პროგრამების მართვისა და ანგარიშგების სამმართველოს მთავარი სპეციალისტი ხათუნა პასიკაშვილი და გარემოს რისკ-ფაქტორების შეფასების და მონიტორინგის სამმართველოს უფროსი რობიზონ წიკლაური.

9. შესყიდვის ობიექტის ხარისხი

- 9.1 „მიმწოდებელი“ იძლევა „მომსახურების“ შესაბამისი ხარისხის სრულ გარანტიას.
- 9.2 უხარისხო „მომსახურების“ მთლიანად ან ნაწილის გამოსწორება ხდება „მიმწოდებლის“ მიერ რაიმე დამატებითი ხარჯების მოთხოვნის გარეშე.

10. მხარეთა უფლება-მოვალეობები

- 10.1 „შემსყიდველი“ ვალდებულია:
- 10.1.1 აუნაზღაუროს „მიმწოდებელს“ გაწეული „მომსახურების“ ღირებულება.
 - 10.1.2 დაუყოვნებლივ აცნობოს „მიმწოდებელს“ მომხდარ ცვლილებათა შესახებ, რომელიც შედის „შემსყიდველის“ კომპეტენციაში და რომელიც შეიძლება ეხებოდეს ხელშეკრულების პირობებს.
 - 10.1.3 უზრუნველყოს „მიმწოდებლის“ მომარაგება საკვლევი ნიმუშის ასაღებად საჭირო მასალებით.
 - 10.1.4 უზრუნველყოს „მიმწოდებლისათვის“ კვლევის შედეგების მიწოდება, პაციენტის კანონიერი წარმომადგენლისათვის მისაწოდებლად.
- 10.2 „მიმწოდებელი“ ვალდებულია:
- 10.2.1 მიაწოდოს „შემსყიდველს“ „მომსახურება“, რომელიც სრულად შეესაბამება ხარისხით და ყველა სხვა მონაცემებით „შემსყიდველის“ დაკვეთას.
 - 10.2.2 აცნობოს „შემსყიდველს“ ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.
 - 10.2.3 დროულად შეასრულოს ხელშეკრულებით ნაკისრი ყველა ვალდებულებანი.
- 10.3 „შემსყიდველი“ უფლებამოსილია:
- 10.3.1 მოითხოვოს „მიმწოდებლისაგან“ ხელშეკრულების ყველა პუნქტის უცილობელი შესრულება;
 - 10.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა;
 - 10.3.3 მოითხოვოს „მიმწოდებლისაგან“ სათანადო განმარტებანი, დოკუმენტაცია, რომლის არსებობის გარეშეც შეუძლებელი იყო „მომსახურების“ გაწევა;
 - 10.3.4 მიმართოს სასამართლოს ან სხვა ორგანოებს იმ შემთხვევაში თუ „მიმწოდებლის“ ქმედების გამო იგი დგება ფაქტთან, რომ შეიძლება დაირღვეს სახელმწიფო ინტერესები, მოითხოვოს ზარალის სრული ანაზღაურება;
 - 10.3.5 არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.
- 10.4 „მიმწოდებელი“ უფლებამოსილია:
- 10.4.1 მოითხოვოს „შემსყიდველისაგან“ მის მიერ მიწოდებული „მომსახურების“ ღირებულების ანაზღაურება.
 - 10.4.2 განაცხადოს უარი ხელშეკრულების შესრულებაზე ან გაგრძელებაზე იმ შემთხვევაში თუ „შემსყიდველის“ მიერ სახელშეკრულებო პირობების შეუსრულებლობის გამო შეუძლებელი ხდება „მომსახურების“ მიწოდება ან მის წინაშე დადგა დაუძლეველი ძალა.
 - 10.4.3 აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.
 - 10.4.4 მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

11. ხელშეკრულების პირობების შეუსრულებლობა (პირგასამტეხლო)

- 11.1. ხელშეკრულებით ნაკისრი ვალდებულების შეუსრულებლობის ან /და არაჯეროვნად შესრულებისათვის მხარეებს ეკისრებათ პირგასამტეხლოს გადახდა.
- 11.2. მიმწოდებლის მიერ მოწოდების ვადების გადაცდენის (შემსყიდველის მიერ საკვლევი ნიმუშის გადაცემის შემდეგ) შემთხვევაში ეკისრება პირგასამტეხლოს გადახდა ყოველ ვადაგადაცილებულ დღეზე გაანგარიშებით ვადაგადაცილებით წარმოდგენილი შესრულების ღირებულების 0,02%-ს ოდენობით.
- 11.3. შემსყიდველის მიერ ამ ხელშეკრულებით განსაზღვრული ანგარიშწირების ვადების გადაცილების შემთხვევაში ეკისრება პირგასამტეხლოს გადახდა ყოველ ვადაგადაცილებულ დღეზე გაანგარიშებით კონკრეტული შესრულებისათვის გადასახდელი ღირებულების 0,02%-ს ოდენობით.
- 11.4. ხელშეკრულებით გათვალისწინებული სხვა პირობების დარღვევის შემთხვევაში, თვეში ერთხელ ჩატარებული ინსპექტირებით გამოვლენილი დარღვევით იხდის პირგასამტეხლოს ხელშეკრულების ღირებულების 1%-ს ოდენობით.
- 11.5 იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.
- 11.6 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.
- 11.7 მხარეები ვალდებულია იღებენ უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10(ათი) დღის განმავლობაში.

12. ხელშეკრულების შესრულების კონტროლი

- 12.1. „მიმწოდებლის“ მიერ ნაკისრი ვალდებულებების შესრულებაზე და შესაბამისად „მომსახურების“ მიზნობრივად გატარების შესახებ „შემსყიდველი“ უფლებამოსილია:
- 12.1.1. უშუალოდ განახორციელოს ხელშეკრულების შესრულების კონტროლი, რომელიც შეეხება ყოველთვიური „მომსახურების“ პერიოდს (ან „მომსახურების“ დასრულებულ ციკლს).
 - 12.1.2. არ ანაზღაუროს ხელშეკრულების შესრულების კონტროლის შედეგად არაკორექტულად მიჩნეული გაწეული „მომსახურების“ ხარჯები მოქმედი კანონმდებლობის ფარგლებში.

12.1.3. განახორციელოს წარმოდგენილი დოკუმენტაციის შედარება „მიმწოდებლის“ მიერ შეტყობინებისას დაფიქსირებულ მონაცემებთან და შემთხვევების შერჩევითი შემოწმების შედეგებთან (ასეთის არსებობის შემთხვევაში).

12.2. ხელშეკრულებით გათვალისწინებული საანგარიშგებო დოკუმენტების ინსპექტირების ვადა საანგარიშგებო დოკუმენტაციის წარდგენიდან არაუმეტეს 30 კალენდარული დღისა.

12.3 ხელშეკრულების შესრულების კონტროლს განახორციელებს – „შემსყიდველის“ სახელმწიფო შესყიდვების ხელშეკრულების შესრულების კონტროლის ჯგუფი.

12.4 ინსპექტირების განხორციელებასთან დაკავშირებული ყველა საჭირო საბუთის წარდგენა, ფინანსური ხარჯის და საორგანიზაციო საკითხების გადაწყვეტა ეკისრება „მიმწოდებელს“.

13. ხელშეკრულების სხვა პირობები

13.1. მხარეები თანახმანი არიან ამ ხელშეკრულების დადების და შესრულების პერიოდში ერთმანეთისთვის გადაცემული და გადასაცემი მთელი ინფორმაცია მიიჩნიონ კონფიდენციალურ ინფორმაციად (ხოლო, კანონმდებლობით დაშვებულ ფარგლებში - კომერციულ საიდუმლოებად) და იღებენ ვალდებულებას არანაირი სახით არ გაახმაურონ კონფიდენციალური ინფორმაცია და არ გახადონ ის ხელმისაწვდომი მესამე პირისათვის, გარდა კანონმდებლობით გათვალისწინებული შემთხვევებისა.

13.2 მხარეები იღებენ ვალდებულებას მთლიანად აანაზღაურონ მეორე მხარისათვის კონფიდენციალური ინფორმაციის გახმაურებით გამოწვეული ზიანი.

13.3 ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შეთანხმებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

13.4 „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

13.5. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა „სახელმწიფო შესყიდვების შესახებ“ საქართველოს კანონის, საქართველოს სამოქალაქო კოდექსით და კანონქვემდებარე აქტებით განსაზღვრული შემთხვევებისა.

13.6. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ლეზულობენ ერთობლივ გადაწყვეტილებას.

13.7. ხელშეკრულება შეიძლება შეწყდეს ერთ-ერთი მხარის მიერ, ცალმხრივად მეორე მხარის მიერ ხელშეკრულებით განსაზღვრული პირობების უხეში დარღვევის ან შეუსრულებლობის შემთხვევაში.

14. სადაო საკითხების გადაწყვეტა

14.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოგვარონ მოლაპარაკების წესით.

14.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

15. გამოსაყენებელი სამართალი

15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. ხელშეკრულების ენა

16.1. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

17. ურთიერთობა მხარეებს შორის

17.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

17.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

18. ხელშეკრულების მოქმედების ვადა

18.1 ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

18.2. ხელშეკრულების მოქმედების ვადა განისაზღვრება: 2024 წლის 28 თებერვლის ჩათვლით.

18.3. ურთიერთობა მხარეებს შორის წყდება ხელშეკრულების ვადის გასვლით და მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. დამატებითი პირობები

19.1 ხელშეკრულება შედგენილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად.

20. მხარეთა რეკვიზიტები

„შემსყიდველი“

სსიპ „ლ. საყვარელიძის სახ. დაავადებათა
კონტროლისა და საზოგადოებრივი ჯანმრთელობის
ეროვნული ცენტრი“

მისამართი: თბილისი, კახეთის გზატკეცილი #99

საიდენტიფიკაციო კოდი 211324351

საბანკო რეკვიზიტები:

თბილისი, სახელმწიფო ხაზინა

კოდი TRESGE22

ანგარიშის # GE24NB0330100200165022

„მიმწოდებელი“

ა(ა)იპ „წყალტუბოს მუნიციპალიტეტის
საზოგადოებრივი ჯანდაცვის ცენტრი“

იურ/მისამართი: ქ. წყალტუბო, ყაზბეგის 2ა
ფაქტ/მისამართი: ქ. წყალტუბო, რუსთაველის ქ. #25

საიდენტიფიკაციო კოდი 221280254

საბანკო რეკვიზიტები:


სახელმწიფო ხაზინა

კოდი TRESGE22

ანგარიშის #744987499

გენერალური დირექტორის მოადგილის ტარიელ
ჭანტურიძის მოვალეობის შემსრულებელი:










პაატა იმნაძე



დირექტორი:
მარინა ტყეშელაშვილი

ინტერესთა კონფლიქტის არარსებობის შესახებ
ინფორმაცია

„სახელმწიფო შესყიდვების შესახებ“ საქართველოს კანონის (მუხლი 8) და „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანების (მუხლი 8) შესაბამისად ქვემოთ ხელისმომწერი პირები ვადასტურებთა ა(ა)იპ „წყალტუბოს მუნიციპალიტეტის საზოგადოებრივი ჯანდაცვის ცენტრი“-სთან ურთიერთობა არ იწვევს ინტერესთა კონფლიქტს.

- ვიზა: ე. ადამია 
- ო. ნამიჭეიშვილი 
- ვ. გეთია 
- გ. ქობალია 
- ლ. ებანოძე 
- ნ. გაბრიაძე 
- რ. წიკლაური 
- ხ. პასიკაშვილი 
- ა. მეტრეველი 

შემსრულებელი: თ. მანაგაძე 